

ՃԵՆԱՊՐԱՆԱԿԱՆՆԵՐ

ԱՆԻ ԽՈՒԴԱՎԵՐԴՅԱՆ

ԱՎԵՏԻՔ ԱՐԱՍԽԱՆՅԱՆՅ

(1857-1912)

Նայ մամուլի ու փնտրագիտական մտքի պարզության մեջ խոր հեկոթ թողած մտավորականներից էր Ավետիք Արասխանյանը: Ազգային անշփոթելի նկարագիր, երոպական բարձրագույն կրթություն, արևմտյան և արևելքի արժեհամակարգերին քաջատեղյակ, հմուտ վերլուծող ու գեղագետ՝ ճակատագիրը որքան լիառար, շոյյ էր նրա օժտվածության հարցում, նույնքան ժուժկալ էր հաջողության դափնիների, հունձքի առումով: «Նախանձելի փոկություններ, հաղթահարելով նյութական ու բարոյական բնույթի բազմաթիվ դժվարություններ, նա մաքառեց իր ժողովրդի մտավոր վերելքի համար, բայց կնքեց իր մահկանացուն... ոչ մեկից չգնահատված», - կարդում ենք ՆՇ ԳԱԱ թղթակից-անդամ Գառնիկ Անանյանի՝ ականավոր գործչի հրապարակախոսական ժառանգությանը նվիրված գրքում¹:

Սերում էր Ազուլխից: Մի քոհմից, որի հնությունը ապացուցվում էր փեղի Ս. Շմավոն եկեղեցու հարեանությունը փարածվող գերեզմանոցի փապանագրերով: Ծնվել է 1857 թ. փետրվարի 13-ին (հին փոմարով): Տառաճանաչ է դարձել Ս. Շմավոն եկեղեցու քահանա փեր Սիմոնի հսկողությամբ: Այս ուսումը շարունակել է Նալբապետ Բալանթարյանի, հետո վանքի, և, վերջապես, 1847-ին հիմնված հայոց ծխական դպրոցներում: Իսկ այդ փարիներին Ազուլխում ուսուցչությամբ էին «պարապում» Պերճ Պոռշյանը, Ռուբեն Զալալյանը, Մամվել Գյուլգաղյանը:

«Որպես զառակ իր ժամանակի հարուստ ընտանիքի՝ 1870-ին հայրը դրկում է նրան Թիֆլիս, ուր հինգ ամիս պատրաստելուց յետոյ մտնում է ռեալական դպրոցը, որ և աւարտում է 1876 թիւն», - կարդում ենք Արասխանյանի ինքնակենսագրականում²:

Ս. Պալասանյանի շնորհիվ պարանին Թիֆլիսում հայտնվում է հեքիաթային, գզլիի բուռն միջավայրում: Այդ շրջանում Գրիգոր Արծրունու բնակարանը վերածվել էր մտավորականների՝ Գաբրիել Սունդուկյան, Պերճ Պոռշյան, Արգաթ Նովհաննիսյան,

1 Գ. Գ. Անանյան, Ավետիք Արասխանյան, Երևան, 1987, էջ 3:

2 Ավետիք Արասխանյան, Ինքնակենսագրություն (գրած մեր խնդրանք, և բնագիրը՝ Ադրիթ-Տարազի սեպիականություն), Թիֆլիս, 1912, էջ 3:

Բաֆֆի, Սերգեյ Մեսիի (վրացերեն «Դոբբա» թերթի խմբագիր) «գրական երեկոների» հանդիպակալը: Այսպեղ պարբերաբար քննարկում, կրթութիւն, կարդում ու խորհում էին ապագայի մասին: Դպրոցն ավարտելուց հետո մեկնում է Եւրոպա՝ «քաղաքաբնակութիւն ուսանելու, կոչումն ունենալու հրապարակախօսական եւ հասարակական գործունէութեան համար»³:

Երեք կիսամյակ քաղաքաբնակութիւն, պարմութիւն, փիլիսոփայութիւն է ուսումնասիրել Լայպցիգի համալսարանում: 1878 թվականին Փարիզում կազմակերպված համաշխարհային ցուցահանդեսին մասնակցելու նպատակով մեկնել է Ֆրանսիա ու երկու կիսամյակ ուսանել է «Լուիջ դը Ֆրանսում»: Նշարժան հանգամանք է, որ Բեռլինի վեհաժողովում հայկական հարցի քննության շրջանում, Փարիզի «Temps» լրագրում իբրեւ երկրորդ առաջնորդող, անստորագիր փապագրված հոդվածը՝ այդ հարցի առթիւ, գրել էր Ա. Արասխանյանը⁴: Նկատ դարձյալ փոխափոխվում է Գերմանիա: Ընդհանրապէս, այդ տարիներին շատ էր ճանապարհորդում ու մտերիմներից մեկին ուղղված նամակում խոստովանում է. «Նամարեա ամբողջ Եւրոպան ման եկայ»⁵: Այս շրջագայութիւնները խոր հետք էին թողնում դիպրակութիւնների, ուսումնասիրութիւնների, գուգակշիռների հակում ունեցող երիտասարդի հոգում:

1882-ին ավարտում է Սպրասբուրգի համալսարանը՝ հաջողությամբ հանձնելով դոկտորական քննությունը: «Նացի առեւտրոր Ֆրանսիայում 18-րդ դարում» ավարտաճառը եւ պարբերականներում փապագրված հոդվածները արժանացել են բարձր գնահատականի: Քաղաքաբնակութեան ակնաւոր գիտականներից մեկը՝ Շմլերը, նրան առաջարկում է մնալ Գերմանիայում, լինել իր հրապարակած ամսաթերթի օգնական խմբագիրը, դասավանդել համալսարանում: Սակայն, Ավերիք Արասխանյանը հրաժարվելով գայթակղիչ, հեռանկարային, պարվարեր առաջարկներից, սիրելի ժողովրդին ծառայելու անկողնում վճռականությամբ նույն՝ 1882 թ. վերադառնում է Թիֆլիս:

1883-85, 1887-88 թթ. ընդհանուր պարմութիւն է դասավանդում Ներսիսյան եւ Գայանյան դպրոցներում: 1892 թ. լույս է տեսնում նրա հեղինակած «Արեւելի ագգերի հին պարմութիւն» դասագիրքը:

Մանկավարժական գործունէությանը գուգրնթաց Ա. Արասխանյանը հանդես է գալիս հրապարակային դասախոսութիւններով, որոնցից երկու թեմա՝ «Ագգայնական եւ ագարագրական շարժումը» եւ «Նոդի արարողութիւնը եւ հարկումը» լրամշակվելուց հետո լույս են տեսել գնդապետ Այ. Մելիք-Նայկազանի առաջարկով եւ հոգածությամբ⁶:

Ա. Արասխանյանը սիրում էր շրջել հայրենի երկրամասերով: Տնտեսագիտական քննութիւն-հոդվածներ է գրել՝ նվիրված Ագուլիսի, Նուխիի, Արեշի, Արցախի գյուղերի բնակչության կենցաղի, երկրագործության, տնայնագործության խնդիրներին: Մանրակրկիտ ուսումնասիրում էր նահանգներում փոքր արդյունագործության (մասնավորա-

3 Անդ:

4 **Աւերիք Արասխանյան**, Ինքնակենսագրութիւն, էջ 4:

5 ԳԱԹ, «Մորմի» արխիւ, 1-4-րդ:

6 Տե՛ս **Աւերիք Արասխանյան**, Ինքնակենսագրութիւն, էջ 6:

պես՝ շերամապահության-մեղաքազորության) զարգացման հնարավորությունները: Այդ հեղափոխությունների մեջ նա փաստում է, որ «...անդրկովկասյան մեղաքառոյտ-նաբերությունը ստանում է ապրանքակապիտալիստական բնույթ՝ խոշոր մեքենայական արտադրության, կապիտալի և վարձու աշխատանքի գործակցությամբ»⁷:

Տնտեսագետ Արասխանյանի գործունեությունից արժե հիշարակել նաև, որ 1888-ին Թիֆլիսում հիմնել է առևտրաարդյունաբերական երկամյա դասընթաց՝ նպատակ ունենալով մասնագետներ պատրաստել արդյունաբերական ձեռնարկություններում աշխատելու համար⁸:

Սակայն, պարսկական շրջանից Գրիգոր Արծրունու «Մշակի» սպեղծագործական խմբի անդամը լինելով, թրծվելով այդ միջավայրի թուրալում՝ նրա համար միշտ էլ ցանկալի գաղափար էր մնում սեփական պարբերական հրատարակելու միտքը: Այդ գործի կարևորության գիտակցությունը չի լքել նրան երբեք: Սկզբում փորձեց ստանալ «Մշակի» տպագրությունը շարունակելու իրավունքը (ի դեպ, նույն ցանկությունը ուներ նաև Ռաֆֆին): Մինչ նրանք փորձեր կձեռնարկեին այդ ուղղությամբ, արտասահմանից վերադարձավ Գ. Արծրունին ու վերսկսեց «Մշակի» տպագրությունը, իսկ Ա. Արասխանյանին առաջարկեց լինել իր օգնականը: Սակայն գործին նվիրված երկու մեծությունների միջև ծագած պարաձայնությունները շարք արագ խորացան ու վերածվեցին անհամապեղելի հարաբերությունների՝ ընդհուպ մինչև անձնական շփումների կտրուկ դադարեցումը:

Նայ մամուլի ընդհանրապես անդամագրվելու և այդ ընդհանրապես մշակը դառնալու միտքը ստիպում էր նոր պարբերականի հիմնման ու տպագրության մասին մտածել: Սակայն, ցարական Ռուսաստանում «Նոր պարբերականի հրատարակության թույլտվություն ստանալը կապված էր մեծ դժվարությունների հետ: ...Առաջադիմական ամեն միտք ու արտահայտություն ճնշվում էր բացահայտ և ոչ բացահայտ միջոցներով: Առանձնապես ծանր էր գաղութացված ժողովուրդների դրությունը: Անախաճեղի վիճակում էր գտնվում նաև մամուլը: Յարական կառավարությունը վարում էր ծայրամասերում նոր օրգանների հրատարակություն թույլ չտալու, եղածների նկատմամբ նոր սահմանափակումներ ու անավոր ցենզուրայի կիրառման քաղաքականություն»⁹: Եւ այս հարցում օգնության հասան արտասահմանում ստեղծված անձնական կապերը՝ ռուս բարձրաշխարհիկ ընդհանրաբանից մեկի ներկայացուցչի հետ:

Դեռևս 1880-ականների սկզբին արտասահմանում նա ծանոթացել էր դուքս Գեորգ Գեորգիևիչ Մեկլենբուրգ-Ստրելիցկու հետ, որը իր մոր՝ Եկատերինա Միխայլովնայի կողմից ծոռն էր կայսր Ղալկի: Նույն այդ մերձավորությունից էլ օգտվեց Ա. Արասխանյանը՝ «Մուրճ» ամսագրի հրատարակության թույլտվությունը ստանալու համար¹⁰:

Եկա՛վ սպասված պահը, 1888-ի վերջին հայ մամուլում ազդարարվում է հաջորդ

7 Ռ. Ն. Մարինյան, Ավերիք Արասխանյան. Տնտեսագիտական հայացքների վերլուծություն, Երևան, 1980, էջ 14:

8 Տե՛ս անդ:

9 Գ. Գ. Անանյան, նշվ. աշխ., էջ 9:

10 Տե՛ս Անդրիք Արասխանյան, Ինքնակենսագրություն, էջ 4-5:

տարվա հունվարից «Մուրճ» հանդեսի հրապարակության մասին: Դեմ ևս կողմ արտահայտվողների պակաս չէր գրագվում:

«Մուրճի» մուտքը հայ մամուլի ընդհանուր ոգևորությամբ ընդունեց, օրինակ, «Աղբիւր» հանդեսը: 1888 թ. նոյեմբերի համարում կարդում ենք. «Մի գրական- քաղաքական ամսագրին կարեւորութիւնը խիստ զգալի է, և մենք ուրախ ենք, որ պ. Աւերիս Արասխանեանին յաջողեց լրացնելու այդ պէտքը»¹¹: Նոր հանդեսի փայլագրության մասին իր ընթերցողներին իրազեկել է նաև Մայր Աթոռ Սուրբ Էջմիածնի «Արարար» հանդեսը՝ 1889 թվականի առաջին երեք համարների շապիկների դարձերեսներին ծանուցում գեղեղեղով:

Եղան նաև հակառակ կարծիքներ: Յանկացած նոր պարբերականի նկատմամբ խիստ միտումնավոր, բացասական փրամադրություններով ավանդաբար աչքի ընկնող «Մշակին» սիրով ձայնակցեց նաև «Նոր դարը»: «Մշակը», հենց առաջին համարից սկսած, պարբերականի սրեղծողներին մեղադրում էր կյանքից կտրված լինելու մեջ: Ավելի ուշ հալածանքների, մեղադրանքների, հարկի ու անհարկի քննադատության պակաս չունեցող Արասխանյանը պետք է խոստովաներ, թե հալածվողի խաչը կրելը պարծանք ու մխիթարություն է իր համար¹²:

Սակայն, ցանկացած աշխարհային գնահատականի լավագույն փորձաքարը ժամանակն է:

Գիտնական, մշակութային, լեզուների գերագանց իմացություն, գրելու անուրանալի օժիվածություն. սրանք լավ խմբագիր լինելու անհրաժեշտ և լիովին բավարար պայմաններ են: Պարբերական հրապարակելու իրավունք ստանալուց հետո Ա. Արասխանյանը խմբագրարան դռները լայնորեն բացեց սկսնակ, բայց շնորհալի երիտասարդների առջև: Նա համոզված էր, որ ամսագրի կարևոր առաքելությունը հենց դա է. «Ամսագիրը պարասխանաբար գործ է կատարում հրապարակելով անծանօթ կամ շարքից ծանօթ, հասարակութիւնից դուրս չճանաչուած հեղինակների վէպեր և բանաստեղծութիւններ... Շէնց դրանում է կայանում ամսագրի ամենադրական գործը վիպասանութեան և բանաստեղծութեան նկատմամբ»¹³:

Մուտքը «ազատ պահել երիտասարդների առջև»՝ բոլորովին չէր նշանակում փայլագրել ինչ պարահի (այս հարցում էլ ընդդիմադիր կեցվածք ունեւ Գեորգյան ճեմարանի ուսուցիչ Սյրեփան Լիսիցյանը: Նա համոզված էր, որ քաջալերելու նպատակով պետք է փայլագրել այն ամենն, ինչ ներկայացնում են երիտասարդները, իսկ հետո կերտա, ակնհայտ կլինի, թե ով է առավել արժանավոր, օժիված, ում գործերն են մնայուն): Նեղիմակների նկատմամբ Ա. Արասխանյանցի պահանջները հստակ և խիստ էին. «Լինել ժամանակակից ժողովրդի կեանքին մօտիկ, այդ կեանքից բխած ու նորա հասկացութեանը մարչելի»: Նյութերը պետք է լինեին. «...թարմ, գրուած սաւառն լեզուով, որ նորանցից բուրե ժողովրդի բարեկամի ոգին, բարեխիղճ հեղափոխողի ճշտութիւնը,

¹¹ «Աղբիւր», 1888, թ. 11, էջ 90:

¹² Տե՛ս «Արձագանք», 1898, թ. 40, էջ 547:

¹³ «Մուրճ», 1893, թ. 1, էջ 159:

մրաձողի վեհությունը, գեղարուեստագետի ճաշակը, մրադրությունների շփակությունը»¹⁴:

Ամսագրի հենց առաջին համարում Ա. Արասխանյանը խոստովանում է, որ հեռու կմնա մոլեռանդ հայեռայնությունից, հարգանք կունենա փարակարծության հանդեպ, կառաջնորդվի ուղղամտությամբ: Ուսումնասիրողները «Մուրճը» համարում են հայ ազգափականության գաղափարների մունետիկ ու սփռող, բայց շեշտում են, որ պարբերականի էջերում իրենց կարծիքն ու շահերը արքայապարհում հնարավորություն ունենին մրավորականության, բանվորության ու առևտրաարդյունաբերական դասի ներկայացուցիչները. «...սակայն բոլոր դեպքերում այդ շահերը քննության են առնվում կապիտալիստական հասարակության...սահմաններում»¹⁵:

«Տարագ» ամսագրի 1900 թվականի համարներից մեկում կարդում ենք. «Մուրճը» գրականության անկեղծ ու անաչառ բարեկամների համար միշտ հեղափոխական է եղել իր բովանդակությամբ և մանաւանդ ամբողջ հայ ընթերցող հասարակության կողմից ճանաչումով շփակությամբ և ազնուությամբ»¹⁶:

«Մուրճի» կյանքն այն տարիների չափանիշներով բավականին երկար էր՝ 12 տարի, 1889 հունվարից մինչև 1900-ի հունիս: Այս «երկարակեցությունը» Ա. Արասխանյանի համար նվիրումի արդյունք էր: Տպագրության նյութական հոգսերը ուղեկցել են Ա. Արասխանյանին առաջին համարից սկսած: Բաժանորդների թիվը փոքր էր, և այդ միջոցները չէին կարող փակել ծախսերը: Այդ է պարզապես, որ 1898-ին նա ստիպված էր հրաժարվել իր հիմնած սիրելի ամսագրից: 1901-ից «Մուրճի» տպագրությունը վերսկսվում է հրապարակիչ և ժամանակավոր խմբագիր Կ. Կրասիլնիկյանի ստորագրությամբ:

Դեռևս Թիֆլիսի գիմնազիայում ուսանելու տարիներին Ա. Արասխանյանը մրահղանում է գրական գործունեությամբ զբաղվող հեղինակներին ստարարելու նպատակով հիմնել ընկերություն և հիմնադրամ: Բայց այս գաղափարը կյանքի կոչել չհաջողեց: Նամանման մի միտք փորձել է իրագործել Փարիզում: Նա «գործուն մասնակցություն է ցուցաբերել Նայկազյան ուսումնասիրաց ընկերության սրբոճման աշխատանքներին, որի նպատակն էր ստարարել որք ու մանուկ հայտնություններին՝ կրթություն ստանալիս»¹⁷:

Ա. Արասխանյանը համոզված էր, որ գրականության մշակները երեք կարգի աջակցության են կարող. դասակարգի պարիվը պաշտպանող ընկերական դատարանի, դասակարգի մրավոր գարգացմանը նպաստող գրական ու գիտական ընկերության, և դասակարգի նյութական ապահովությունը հոգացող հիմնադրամի¹⁸: Առավել մրահոգողը վերջին պարագան էր: Եւ Ա. Արասխանյանը ձեռնամուխ եղավ գործուն քայլերի: Նրա ջանքերով սրբոճվեց Կանոնադրություն մշակող հանձնաժողով, որը բաղկացած էր վեց հոգուց: Այս նախաձեռնությունը, անշուշտ, ուներ հակառակորդներ, սակայն, անհամե-

14 Գ. Գ. Անանյան, նշվ. աշխ., էջ 23:

15 Ռ. Ն. Մարինյան, նշվ. աշխ., էջ 91:

16 «Տարագ», 1900, թ. 50:

17 Գ. Գ. Անանյան, նշվ. աշխ., էջ 15:

18 Տե՛ս «Մուրճ», 1892, թ. 5:

մաք ավելի մեծաթիվ էին կողմնակիցները. «Նայոց հասարակությունն այն աստիճան ինքնաճանաչության է հասել, որ գիտի գնահատել իր ազնի ու քաղաքական գործիչներին»¹⁹, - կարդում ենք «Մշակի» էջերում:

Բայց պարմության հերթական ծանր ժամանակաշրջանն էր ասարում մեր ժողովուրդը՝ կոտորածներ, ազգային մշակույթի դեմ ցարիզմի հարուցած արգելքներ, հալածանքներ: Եւ նախաձեռնությունը հաջողությամբ չպսակվեց:

Մալթոս Ա. Ամենայն Նայոց Կաթողիկոսի՝ Էջմիածին ժամանելուց հետո Ա. Արասխանյանը հրավեր է ստանում Գեորգյան ճեմարանում քաղաքապետություն և ընդհանուր պարմություն դասավանդելու համար²⁰: Նա գալիս է Էջմիածին, ուր բացի ուսուցչությունից, Կաթողիկոսի կողմից նշանակվում է միայն մեկ քաղաքացիական պահպանած Կեդրոնական Ուսումնական Նախնախորհրդի անդամ: Այս հանձնախմբում նա ընկրկվում է քարտուղար և Վեհափառի առջև զեկուցող: «...Արասխանյանը դրանով միայն մի աւելորդ առիթ ձեռք բերաւ Էջմիածնական անթափանցելի մթնոլորտի հետ աւելի մօտ ծանօթանալու համար, որի մասին նա առաջ միայն ի լրջ գիտէր: ... Ուսուցիչ մնաց նա ճեմարանում հազիւ երկու տարի (1909-11 թթ.)»²¹: Թերեւս քաղաքացիական կյանքի մեջ նա պարմություններ է պարճառել ազգային, հայեցի, դասական կրթության (որի պահպանումը, կրողն ու խորհրդանշելն էր Մայր Աթոռը) ու երոպական արժեքների սերմանման ոլորտում պետք է փնտրել:

Մակայն, վերադառնալով ճեմարանական կրթության նրբություններին, կամենում ենք մեջբերել «Նոր դպրոց» ամսագրից, որի 1909 թվականի համարներից մեկում կարդում ենք, թե սեպտեմբերի 26-ին Մայր Աթոռում նշել են Գեորգյան ճեմարանի 35 ամյակը: Նախախորհրդի ժամանակ ելույթ ունենալով, «պայծառ գույներով նկարագրելով խաւարի և լռի, քաղաքակրթության և քաղաքական կյանքի, կաթողիկոսը շեշտեց, թե ուսումը լռի է, որին ձգտում են քաղաքակրթ ազգերը, նրան պետք է ձգտեն և հայերը...»²²:

Ա. Արասխանյանը էս, ելույթ է ունեցել և խոսել է ճեմարանի դերի ու նշանակության մասին. նա «...առանձնապէս կանգ առաւ այն մեծ դերի մասին, որ ունեցել է ճեմարանը իր գոյութեան օրից սկսած մինչև հիմա...»²³:

Նայաստանի ազգային արխիվում պահվող վավերագրերի շարքում հետաքրքրական են Գեորգյան ինքնուր ճեմարանի մանկավարժական խորհրդի նիստերի արձանագրությունները, որոնք վկայում են, որ 1909-11 թթ. Ա. Արասխանյանը կանոնավոր մասնակցել է նիստերին, նախաձեռնություններ, երբեմն անհաշիւ արտահայտել ու պաշար-

19 «Մշակ», 1892, թ. 45:

20 Գեորգյան ինքնուր ճեմարանի տեսուց Բագրատ վարդապետին՝ 1910 թ. սեպտեմբերի 6-ին, ուղղված «զեկուցման» մեջ Ա. Արասխանյանը գրում է, թե եղել է նաև «սրբապետիկա» առարկան դասավանդելու պայմանավորվածություն. «...բայց ինչ-ինչ նկարագրումներով չեն իրականացնում»: Նա դժգոհում է նաև, որ կրճատվել են ընդհանուր պարմություն առարկայի դասաժամերը. «...որը խոչընդոտում է առարկայի լիարժեք ուսուցումը»: ՆԱԱ, ֆ. 312, ց. 1, գ. 63, թ. 196:

21 **Անդրիկ Արասխանյան**, Ինքնակենսագրություն, էջ 8. **Ռ. Ն. Մարինյան**, նշվ. աշխ., էջ 18:

22 «Նոր դպրոց» ամսագիր, Թիֆլիս, 1909, թ. 6-7, էջ 140-141:

23 Անդ:

պանել է իր կարծիքն ու դիրքորոշումը²⁴ քննարկվող հարցերի մասին: Օրինակ, պահանջում էր, որ դասավանդվող առարկաները անպայման ավարտվեն քննությամբ²⁵, որ դասավանդվի լատիներեն՝ թեև ուզեցե՛ք սեղմ ժամաքանակով՝ ինչպես անում են «կլասիկ լիցեյներում»²⁶: Նա պայքարում ու կարևորում էր, որ աշակերտները շարադրությունները գրեն վայելուչ ձևազրկերով, հանգամանք, որ այն փարիներին երկրորդական չէր: Նախկանական է, որ մանկավարժական խորհրդի այն նիստերի արձանագրությունները, որոնք գրել է Ա. Արասխանյանը՝ իբրև քարտուղար, աչքի են ընկնում կոկիկ, խնամված, ընթերցելի ձևազրկով, անթերի շարադրությամբ:

Գևորգյան հոգևոր ճեմարանում նույնպես Ա. Արասխանյանը փորձեց հրապարակական գործունեություն ծավալել, բայց ապարդյուն: 1911 թ. փետրվարի 23-ի արձանագրության մեջ կարդում ենք. «Այն կարծիքն յայտնուեց, որ գրումները լինին գիտական (լայն մրթով), քանի որ մեր կեանքում հայագիտության զարգացման նպաստող գործոններ չափ կան, մինչդեռ, գիտությունը առկա է քիչ միջոցներ ունի մեզանում զարգանալու համար»²⁷: Քննարկման մասնակիցները համակարծիք էին, որ հանդեսին կարող են հեղինակել ե՛ր ճեմարանականները, ե՛ր «դրսից»։ Նրանք գրում էին, որ պետք է հրապարակվի «Նայագիտական հանդես կամ ժողովածու բառիս լայն խմատով, որի մեջ մտնում են Նայասարանի ու հայ կեանքի հերկապ ունեցող բոլոր գիտությունները՝ պատմություն, աշխարհագրություն, հնախոսություն, գրականություն, ազգագրություն, ճարտարապետություն, գեղարուեստ, երաժշտություն և այլն»²⁸:

1910-11 ուսումնական փարին ավարտվելուն պես Ա. Արասխանյանը մեկնում է Էջմիածնից:

Ա. Արասխանյանը մահացավ 1912 թ. դեկտեմբերի 3-ին Ախալքալակում, որտեղ ավագ ուսուցչի պաշտոն էր վարում: Անհիմն հալածանքներից, բանասերություններից խուսափելով՝ մեկուսացավ: Անշուշտ, մահից հետո ներբողներ ուղիղները չգլացան հիշել, որ նա «գրական ու հասարակական կյանքի ակնաավոր ներկայացուցիչ էր», անգամ՝ «մտավոր կորիֆեյ»... Մինչդեռ, նա իր ողջ գործունեության ընթացքում խուսափում էր հորեղաններ ուշելուց, աղմկալից հանդիսություններից ու հաճախ էր կրկնում, թե միայն ճառերով չէ, որ պետք է սարարենք մտավորականներին: Նրանց առաջին հերթին նյութական լուրջ աջակցություն է պետք:

24 1911 թ. մայիսի 31-ի արձանագրության մեջ կարդում ենք. «Դր. Արասխանյանը խնդրեց արձանագրել, որ այս նիստում եղած այս կարգի խնդիրների վերաբերմամբ նա մնացել է մեր նախկին որոշումը անփոփոխ թողնելու փաստերի վրայ»:

25 Տե՛ս ՇԱՄ, ֆ. 312, ց. 1, գ. 96, էջ 178:

26 Անդ, էջ 206:

27 ՇԱՄ, ֆ. 312, ց. 1, գ. 96, էջ 217:

28 Անդ, էջ 218: